



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Bracaren. Archiepiscopo.

urn:nbn:de:hbz:466:1-20006

CAPITULO BALNEARIÆ.

Epist. 148.
Ne ex monachis quicquam restitatur, & de pena simoniacorum.

Olim ad instantiam Vu. Presbyteri conquerentis quòd Ecclesiam quam ei de consensu vestro Prior vester sub annua pensione concesserat, & quam ipse animalibus multis ditaverat, abstulisset, & extendisset manum ad personam pariter & res ejus, astringens eum ferreis vinculis ad sedem apostolicam appellantem, causam ipsam venerabili fratri nostro Messan. Archiepiscopo meminimus commississe. Cùm autem ad citationem ipsius, sicut ex litteris ejus accepimus, partes in ipsius essent presentia constitutæ, dictus Presbyter ea quæ Priori in Ecclesiæ receptione contulerat, Prior verò quæ ipsi Presbytero pro concordia dederat, sibi restitui postulabat. Cùmque postmodum idem Presbyter & sua sibi restitui & de violentia irrogata justitiam fieri postularer, Prior ipsum conversum ac professum suum esse asseruit, & ad id probandum quosdam testes induxit, quorum depositiones Priore postmodum appellante idem Archiepiscopus sub suis nobis litteris destinavit. Transcriptum etiam quoddam concessionis, quam idem Prior dicto Presbytero super Ecclesia de Castronovo cum omnibus ejus pertinentiis concedebat, tali tenore quòd eam in domibus, hortis, & vineis augmentaret, & sexaginta porcos, pullum unum equinum, mulam unam, & quadringentos tarenos offerret. Ceterùm cùm dictus frater Vu. propter hoc ad nostram presentiam accessisset, Prior verò non procuratorem idoneum sed nuntium minùs sufficientem solummodo destinasset, nos venerabili fratri nostro Montis-Regalis Archiepiscopo & P. tunc Regiæ Capellæ Canonico Subdiacono nostro dedimus in mandatis ut dictum Priorem in expensas legitimas condemnantes, inter partes, si fieri posset, concordiam reformarent, alioqui auditis quæ proponerentur hinc inde, & rationibus partium plenius intellectis, ita ut nihil restare nisi sententia videretur, gesta omnia redacta in scriptis sub sigillis suis ad nostram presentiam destinarent, statuentes partibus terminum competentem quo presentarent se nostro conspectui sententiam recepturæ. Licet autem, sicut idem Archiepiscopus nobis per suas litteras intimavit, conjudex ipsius antè quam par-

tes vocarentur ad causam, viam fuerit universæ carnis ingressus, ipse nihilominus de consensu partium in causa processit, & Priore in expensas, quas idem Presbyter in via fecerat, condemnato, conquestionem ejusdem Presbyteri super spoliatione, captione, ac detentione sua, & Prioris exculationem audivit, ac testes super conversione & susceptione habitus ipsius Presbyteri ex parte Prioris inductos mandavit recipi & audiri, licet idem Presbyter, contra id quod prius promiserat, receptioni eorum noluerit interesse. Fuerunt etiam pro eodem Presbytero quidam ad testimonium advocati, qui non jurati deposuerunt Presbyterum ipsum fuisse carceri mancipatum. Verùm cùm postmodum idem Presbyter & frater Io. Canonicus Balneariæ procurator ad hanc causam specialiter constitutus, ad nostram presentiam cum ejusdem Archiepiscopi litteris accessissent, nos eis dilectum filium nostrum G. sanctæ Mariæ Diaconum Cardinalem concessimus auditorem: quì cùm omnia quæ coram eo recitata fuerant, ad nostram presentiam retulisset, nos intelligentes sufficienter fuisse probatum per testes ipsum in domo Balneariæ fecisse professionem, suscepisse habitum & portasse, ipsum esse professum ejusdem Ecclesiæ per sententiam diffinivimus, & ab impetitione ipsius super his quæ sibi restitui postulabat sententialiter absolvimus Ecclesiam memoratam, adijcientes, ut quia pro Ecclesia de Castronovo, sicut ex assertionem ipsius & concessione Prioris patuit, reatum contraxerat simoniæ, ad eam de cetero nullatenus revertatur. Quia verò Prior vester non minùs immo magis in hoc deliquisse videtur, volumus & mandamus ut usque ad festum omnium sanctorum nostro se conspectui representet, rationem nobis super contractu simoniaco redditurus. Nulli ergo &c. diffinitionis & absolutionis &c. Datum Laterani XIV. Kal. Augusti.

BRACAREN. ARCHIEPISCOPO.

Controversiam quatuor episcopatum, Colimbriensis videlicet, Vicensis, Egitanensis, & Lameccensis, inter Compostellanam & Bracarentem Ecclesias diutiùs agitatam, non sine multo labore nuper curavimus exacta diligentia terminare; sicut ex authentico senten-

Epist. 149.
Ve concordiam inter ecclesiam Compostellanam & Bracarentem, initam servet.
Vide supra Epist. 137.

tiā liquidò declaratur. In qua re caussa quoque quinque episcopatum Gallæciæ, scilicet Tudensis, Auriensis, Minduniensis, Lucensis & Astoricensis, qui à bonæ memoriæ Alexandro Papa prædecessore nostro venerabili fratri nostro P. Compostellan. Archiepiscopo pro illis fuerant assignati, terminata dignoscitur, cum principali quaestione sopita, & accessoria per consequentiam sit sublata. Ut autem super hoc nulla impostorum dubietas oriatur, fraternitati tuæ auctoritate præsentium duximus concedendum ut super præfatis episcopatibus Gallæciæ indubitanter pertinentibus ad metropolim Bracarensem propter ea quæ hæctenus gesta sunt non valeas de cetero conveniri. Præsentibus quoque litteris duximus annotandum quòd præfatus Cōpostellanus Archiepiscopus archiepiscopatus sui nomine præmissis episcopatibus, Colimbriensi scilicet, Vifensi, Tudensi, Auriensi, Minduniensi, Lucensi & Astoricensi, Ecclesiis etiam sancti Victoris & sancti Fructuosi, cum omnibus pertinentiis suis, & medietari Bracaren. renunciavit in perpetuum in præsentia nostra & fratrum nostrorum, super quibus fuerat à partibus litigatum. Datum Laterani XIII. Kal. Augusti.

*VIMANENSI, DE COSTA,
& de sancto Tornaco Prioribus.*

*Epist. 170.
Vt Archiepiscopo Bracaren-
si obediant.
Cap. Cum
non liceat, De
prescriptioni-
bus.*

Cum non liceat à capite membra recedere, non sufficimus admirari quòd, sicut referente venerabili fratre nostro Bracarensi Archiepiscopo nostris est auribus intimatum, licet Ecclesiæ vestræ in ipsius sint diocesi constitutæ, vos tamen nullum exemptionis privilegium prætendentes, obedire sibi tanquam Episcopo vestro contumaciter recusatis. Cum igitur crimen ariolandi sit repugnare, & scelus idolatriæ nolle acquiescere, sustinere nolentes quòd subditi Prælati suis non obediant, ut tenentur, de communi fratrum nostrorum consilio per apostolica vobis scripta mandamus, & in virtute obedientiæ districtè præcipimus, quatenus præfato Archiepiscopo & Ecclesiæ Bracarensi obedientiam & reverentiam debitam, sicut alij Clerici suæ diocesis faciunt, de cetero sine contradictione qualibet impendatis, præscriptione temporis non obstante. Alioquin sententiam quam idem in vos vel Ecclesias vestras propter

hoc rationabiliter tulerit, ratam habebimus, & faciemus auctore Domino inviolabiliter observari. Datum Laterani XII. Kalendas Augusti.

*PORTVGALLEN. ET LAMECEN.
Episcopis, & Abbati de Burio.*

Intimante venerabili fratre nostro Bracarensi Archiepiscopo nostris est auribus intimatum quòd dilectus filius Prior sancti Martini de Castro, occasione cuiusdam privilegij quod pendente lite de novo eodem Archiepiscopo ignorante à bonæ memoriæ Celestino Papa prædecessore nostro dicitur impetratum, obedientiam consueram & reverentiam debitam denegat exhibere. Cum igitur de jure naturali procedat, & hoc ipsum in Evangelio Dominus manifestet, quòd quæcunque volumus ut faciant nobis homines, & nos eadem eis facere debeamus, sicut nobis ab aliis debitum honorem impendi, sic fratribus & cõepiscopis nostris à subditis deferri volentes, eidem Priori de communi fratrum nostrorum consilio per scripta nostra præcipiendo mandamus ut non obstante hujusmodi privilegio, neque commissione ad te, frater Episcope, & prius Episcopum Lamecensem & dilectum filium Priorem Ecclesiæ postea impetrata, præfato Archiepiscopo & Ecclesiæ Bracarensi de cetero sine contradictione qualibet, sicut alij Prælati suæ diocesis faciunt, humiliter obedire procuret. Quocirca discretioni vestræ per apostolica scripta præcipiendo mandamus quatenus si prædictus Prior mandato nostro parere noluerit, vos eum ad id veritate cognita per censuram ecclesiasticam sine appellationis obstaculo compellatis. Quòd si omnes &c. Datum ut supra.

*OXOMENSI, PORTVGALLENSI,
& Placentinensi Episcopis.*

Cum olim inter Toleranam & Bracarensem Ecclesias super Zamorensi episcopatu, quem tunc Toleranus Archiepiscopus, ut dicitur, possidebat, quaestio verteretur, felicitis recordationis Eugenius Papa prædecessor noster, nec Compostellanensi Archiepiscopo nec Episcopo Zamorensi citato, nec denuntiatione aliqua, sicut venerabilis frater noster Compostellanensis Archiepiscopus asseverat, super hoc facta eidem,

*Epist. 171.
Vt Archiepiscopo Bracaren-
si Priorem S.
Martini de Ca-
stro obedire co-
gant.*

*Epist. 171.
Vt causam
Compostellani
& Bracaren.
Archiepiscopi
super Ecclesia
Zamoren-
si cognoscant.*